

www.BibleForChildren.org


Mateo 26



Pascua
yeó jáapna
pínah seis yeó
jáap ã j̄hd̄chah,
Efraín tútchimant
Betania tútchina
Jesús jwiít dih ã n̄mah
jw̄b̄ j̄ibínap j̄. Caanná
j̄ibínit, Lázaro w̄nniji,
Jesús ã booaniíh m̄n̄á
jw̄ j̄ibínap j̄.



Mariaboó
nardo wũt
jumni chej jumni
quiít dih, biíc kilo
tac yoób ɛb jũóh nit,
Jesúih jí tchanadih mi
pɛhwɛp jĩ. Pɛohnit, miíh
waó yoócjĩh mi jõp wiwip jĩ.
Páant mi pɛhwat
túttimah, caán ni hat
mɛú ã túi chej jum
chéyah bejep jĩ.



Caán láa, Judas Iscariote, Jesús doce ã bohénitjeéh
bóo, Jesúsdiñ eníhcannit sacerdotewã ã maátadiñ ã
duó wáyat pínahdiñ naáwádiñ ãt
bejep wæt jĩ. Caandíñ joinít,
maáta ãt weñep wæt jĩ.



Pánih wěinit, —Meemdih dinero jwĩ wũhbipna caá,
queét Judasdi ĩt niijip wɛt ĵĩ. Pánihna, Jesúsdih
eníhcannitdih dɔó wáyat túut
niijná, Judas ãt jenah joi
bídiip wɛt ĵĩ.




Páant ã niijíchah joinít, biquína
jwĩjeéh jɯmnit ĩ bejep jĩ. Caanná
jɯibínit, ĩ jwãáhni newé ã waóh
bejni mɯɯná waadnít, jwiít dih Jesús
ã nɯmah jeémát pínahdih ĩt chãjap
tajĩ. Páant ã niiját túttimah, Jesús
pandih ɯbnit, “Túina caá, Paá”, niij,
caandíh dajnit, jwiít dih ã wũhɯp jĩ.
—Nin pan wĩih bácah
panihni caá.
Caandíh ñi
jeémé, ã
niijíp jĩ.



Páant niij péanit, jiwá iguáh mac
jɛmni pamapdih ɛbnit, “Téina caá,
Paá”, niijnít, caandíhɔt jwiít dih ã
wũhɛp jĩ. —Yeéb nihat nindih ñi
babhbaá. Nin wĩh meép panihni
caá. Wĩh meépjĩh ĩ yéejat jíib
bɛɛdáátdih jíib chãjna, dawá
cãacwãdih wã wɛn wũhbipna caá,
Dios biíc dih ĩ tui jɛmat
pínah niijná.



Páant queétdih niij naóh péanit, Pedroboodih
nin pah ãt jwúub niij naáwáp wæt jĩ: —Simón, Simón,
meemdih bainí wã naáwíhna caá. Yeéb nihat weemdih
ñi cádahat pínah niijná, Satanás Diosdih ãt úbúp
wæt yeh be. Obohjeéhtih, ma cádahcat pínah niijná,
weémboó meemdih búdí wã úbúp be. Pánihna, jwúub
túi jenah joinít, bita
wíhwãdih ma teo
wáacá, queétbet
biíc yoobó ã jwúub
túi jenah joyát
pínah niijná,
Pedrodih ãt
niijíp wæt jĩ.




—Maá, majeéh weemdíhbut nemat mæúboó ĩ nemechah, ĩ mawachah yuhna, weémboó meemdíh wã cádahcan níit, Pedro ãt niijíp wut yuh jĩ. —Pedro, meemdíh yoobópdi h wã naóhna caá. Bææjeh mæjbai ã ewat pí nah jãtih, biíc peihcanni láa ‘Caandíh wã jéihcan caá’, ma niij yeebipna caá, Jesús caandíh ãt niijíp wut jĩ.



Olivo jeená púth laab béjnit,
Getsemaní ã niijní pácahi
jɛmɛpna jwĩ jɛibínar jĩ.

—Conboó Diosdih
ɛúbúdiwã wã bej
jwɛhɛchah, ninjĩh ñi chúɛd
páñaá, Jesús jwiít dih ã niijíp
jĩ “Paá, meém nihatdih jéih
beedáni caá. Pániwã jɛmna,
;Weemdih ma wɛnat túɛtca
bojóó! Obohjeéhtih, weém wã
wɛníhcah yɛhna, meémboó
páant ma náah yacachah, wã
wɛn wũhbirna caá”, Jesús
Diosdih ãt niijíp wɛt jĩ.



Pánih jéihna, Jesúsdih júttat tútt niijná, Romano soldadowãdih, Dioih mæddih wapnitdihbætt ãt dæó wái jũúwúp tajĩ. Queétdih sacerdotewã maáta, fariseowã maátabætt ãt wahap tajĩ. Pánih jũóhna, ãih jiiát yuyú déejĩh jiiinít, ãtah tóopna, íibat naaná, máa quiítnejĩh man jemnit, ã juyúp jĩ. Páant ã niijíchahjeh, biíc Jesús ã bohéniboó sacerdotewã ã maáhdih teo wũhniih jéihyepmant bóo moli chóodih ãt dútt bóod yohop wætt jĩ.



Páant ã dúꞥ bóod yohochah
ennit, —Páant ñi chãjca bojoó,
Jesús queétdih ãt niijíp wꞥt jĩ.
Páant niijnít, ãih moli chόo
jꞥmꞥpjiboó teo jãhanit,
booanachah, jáap chόo ãt
jígohop wꞥt jĩ.



Pánih Jesúsdih teonit, sacerdotewã ã maáih m̃m̃ná
ĩt ɛb bejer w̃t jĩ. Páant ã ɛb bejehah, Pedroboó
ỹúrjeh ãt en péenap w̃t jĩ. Maáih m̃m̃ná waád
j̃ibínit, Jesúsdih teonitji
soldadowã wáihyat júd̃
diítboó t̃m̃ ãt cáo jwejer
w̃t jĩ. Pánih cáonit, ãt
mée chúud rúnda
bojop w̃t jĩ.
Pedrob̃t ã cãtíh
ãt mée chúud̃p
w̃t jĩ.




Páant ã niiját túttimah,
sacerdotewã ã maáhdih
teo wũhni, Pedro moli
chóodih ã bóod yohniji
ã dée jwɛh Pedrodih
nin pah ã niij ɛúbh joyóp
jĩ: —¿Pácahi jɛmɛpdih
meemdih nihcannit beé
Jesús biíc dih wã enep? ã
niijíp jĩ.—Weém ãjeéh wihcan
beé, Pedro ã niij jepahap yɛh jĩ.
Páant ã niijíchahjeh, mɛjbai ãí
ewep jĩ. Pánih náhninit, bac
bej, búdí ãt jɛñúp wɛt jĩ.



Queét maátajeh míic wéhe péanit,
Jesúsdih Pilato pebhna ãt ɛb bejep
wɛt jĩ. Páant ã niijíchah joinít, Pilato
Jesúsdih nin pah ãt niij ɛúbh joyóp
wɛt jĩ: —¿Meém judíowã ã
maáh níit? ãt niijíp wɛt jĩ.
—Ma niiját pahjeh tigaá,
Jesús ãt niij jepahap wɛt jĩ.
Pánihna, Pilato Jesúsboodíh
bacaíhnit, cãacwãdih ãt


jwúɛb ɛúbh joyóp
wɛt jĩ, páant mɛntih.



Obohjeéhtih, páant ã bacaíhichah
joinít, —¡Cruzboó péoh dodhnit,
caandíh ma mao yohat túutú! ãt
niij ñaacáp wæt jĩ.



Páant ĩ niiját túttimah, queét ĩ weñat
pínah niijná, Jesúsdiñ cruzboó mao
yohat túutna, Pilato ãih soldadowãdih ã
ub bejat túutur jĩ. Pánihna, queét
soldadowã Pilatoih mũmánt Jesúsdiñ ĩ
ub bac jũúwúr jĩ. Pánih ub bac jũóhñit,
Jesúsjuh ãih cruzdih ã bewechah, Waó
lidíp wũt jumni jeejína caandih ĩ ub
bejep jĩ. Jwĩih wéheatjĩh caán jeé
Gólgota ã wũt jumur jĩ.




Pánihna, bita chénewãdihbut caán
biíc dih ã mao yohat túut niijná, ãjeéh ã
ub bejep jã. Pánih ub bejna, caanná
jæibínit, queét biíc peihcannit ã
beoniji cruznadih
soldadowã ã
nah péoh
jwejep jã.

Biíc dih Jesús ã
jéihyepmant bóo bæwámant
péoh jwej, biíhdih ã wáyámant
bóo bæwámant ã péoh jwejep jã.
Pánihna, ã tac yoób Jesús dih
ã péoh jwejep jã.



Páant ã jwúɛb baabáh bejat pínah játih, Jesús nin pah
ãt niíj ñaacáp wɛt jĩ: —Wĩih caolihdih ma ɛbɛú, Paá,
ãt niijíp wɛt jĩ. Páant niíj péanit, ãt wɛnah bejer
wɛt jĩ. Páant ã wɛnɛchahjeh,
Dioih mɛú diitboó ĩ jáh
yaíhni búdí wúɛrni chóo yeo
dei bejna, chéne chóo pah
ãt chãwáp wɛt jĩ.



Caan chéyeh tōo ñáh jũúwát pínah
jãtih, José, Arimatea tútchidih bóo,
Jesúih bácahjidih Pilatodih
ũbũdih ãt bejep wæt jĩ.

Caán José jwiít judíowã
jwĩ maátajeéh ã
jũmũchah, caandih
bita maáta ãpĩ túi
joyóp wæt jĩ.

Páant ã niiját joinít,
túi baabní yégueh
chóodih jíib chãj,
cruzna jũmũpboó
jwũũb bejnit, Josédih
Jesúih bácahjidih ã
ũb deya wũhũchah,
ãt mũp wæt jĩ.



Pániĥ ɛbnit, caán Dios ã maáh
jɛmat pínahdih túi páini ãt jɛmɛp
wɛt jĩ. Caán ɛmcanjeh,
Pilatodih Jesúih bácahjidiĥ
ɛúbúdiĥ ãt bejep wɛt jĩ,
jwĩ chooát yeó jáap ã
waadáchah, ãih
bácahji páantjeh
cruzboó ã ñɛhcat
pínah
niijná.

yéguehjĩĥ pin péanit,
jeedíĥ ĩ baadniĥi íitboó
caandíĥ ãt yohop
wɛt jĩ. Yohnit, búdí jeé
júdɛdih tóo pũtú
bejnit, caán íitdih ãt
nemep wɛt jĩ.



Ã wɯnniji yeó jáap,
chooát yeó jáap pínah
jwĩpĩ ámohni yeó
jáap ã jɯmɯp jĩ.



Túttimah bóo yeó jáapdih sacerdotewã
ĩ maáta, fariseowãbwt Maáh Pilato
pebhna bejnit, nin pah ãt
niij ɛúbúp wwt jĩ: —Maá,
caán yeeniboó jwĩjeéh
jɛm jwɛhna, ‘Wɛnna,
biíc peihcanni yeó
jáap túttimah wã
jwúb boo pɛd

jũóhbipna
caá’, ã
niijátjidih
jwĩ náhnina
caá.



Páant ã niijíchah joinít, soldadowãdih
nɛmah bej, caán ítdih
José ã nemniji jeé
júdɛdih bɛɛjcán nah
chéonit, soldadowãdih
ít wapat túɛtɛp wɛt
jĩ. Pánih chãj péanit,
queét maáta ít
jwúɛb bejep
wɛt jĩ.



Jwiít judíowã jwĩ chooát yeó jáap
túttimah bóo yeó jáap ã baáb
jéenechah, Mágdala
tútchidih bóli María, biíh
wili Maríabɛt Jesúih
bácahdih José ã
yohopji jeé íitboó
enedih ít bejep
wɛt jĩ.

Páant caanná ĩ
jɛibínachah, Dioíh
ángel jeámant ã
dei jũúwúchah,
baác búdí ãt
méménar wɛt jĩ.



Pánih dei jũóhnit, José ã nemniji
jeé júdudih pũtũ dodhnit,
caanjih ãt chũudup wut jĩ.
Pánihna, caandih enna,
caán jeé iĩtdih wapnit
soldadowã búdí
éumna, méménit,
wunnit pah iĩt buug
ñájap wut jĩ.



Caanjĩh chũdni ángel queét yaádhdih
nin pah át niijíp wæt jĩ: —ĩNi
úmca bojoó! Cruzboó ĩ péoh
dodh mao yohniji Jesúsdih
ñi bidatdih wã jéihna
caá. Obohjeéhtih,
ninjĩh ã wihcan
caá. ã niijátji pah
jáantjeh ã boo

ɾɛd jũúwúp be.
ã lajarjiboó ñi
en jũúwú.




Páant ã niijíchah joinít, queét
yaádh yohopji jeé ítmant ít ñáo
jwúub bejer wɛt jĩ. Pánih ñáo
jwúub bejnit, éumna yɛhna, búdí
wěinit, ã bohénitjidih naáwádih ít
bejer wɛt jĩ. Páant ĩ bejechah,
Jesús jwɛh queét yaádh dih
ãt jígohop
wɛt jĩ.



—¿Ñi jũóhca beé? ãt niijíp wut
jĩ. Páant ã niijíchah joinít, ãih
jítcha pebh páah yoh ñajnit, ãih
wúɛdih pin teonit, caandíh ít
weñep wut jĩ.





Túttimah, once ã bohénitji ĩ jeéméchah, queétdih Jesús ãt jígohop wɛt jĩ. Caán ã naáwátjidih túi jenah joicán, jwúɛb booni bitadih ã jígohatdih ĩ naáwáchah yɛhna, ĩ joyáh bojatji jíib queétdih ãt jũihñɛɓ wɛt jĩ. Páant niij naóh péanit, jwĩ Maáh Jesús jeáboó ãt púɛh laab béjep wɛt jĩ. Pánih púɛh laáb jɛibínit, maáh waadná, Dios ã jéihyepmant bóo bɛwámant ãt chúɛɓ wɛt jĩ.



Dios nihat cáacwãdih búdí ã oina caá. Pánih
búdí oina, queétdih ã peéh chãjat déedih
túi ɸbat túɸt niijná, weém ã wũúh biíc
jɸmnidih ã wah deyanap jĩ. Páant ã
wahachah, det weemdíh jepahnit
iiguípna bejnit déeji Diosjeéh
páantjeh ĩ túi
jɸmbipna
caá.



Romanos 3:23 Yéejnit míic jumna, jwiít nihat jwĩ yéej chãjna caá. Jwĩ túi chãjat pínahdih Dios ã jwíih jenah joyátji pah biíc yoobó jwĩ chãjcan caá. Dios ã túyatdih yuúp jwĩ jumna caá.

Romanos 6:23 Nindih jwiít dih túi náhniat caá náahap: Jwĩ yéej chãjat jíib, iiguípna bejnit pínah jwĩta jum tagaá. Obohjeéhtih, jwĩ Maáh Jesucristo jwiít dih ã wɛn wũhatjidih túi jenah joinít, caandíh jwĩ jepahachah, jwiít dih ãjeéh páantjeh Dios ã jummat túutbipna caá. Pánih túi chãjna, jwiít dih ã jíib náahcan niít.



Hebreos 9:27 Nihat cãacwã biíc láajeh jwĩ wɛnna caá. Páant jwĩ wɛnat túttimah, túinitdih, yeejépwãdihbut Dios ã ñíobipna caá, yeejépwãdih peéh chãjat túɛt niijná.

Efesios 2:8,9 Cristodih jwĩ túi jenah joyóchah, Dios búdí oi teo wáacni jumna, jwiít dih ã túi ɛbna caá. Nindih ñi túi náhninaá: Ded pah jwĩ túi chãjachah yɛhna, jwiít míicjeh jwĩ jéih túi ɛbcan caá. Obohjeéhtih, Diosboó jíib náahcanjeh jwiít dih ãt túi ɛbɛp taga. Dedé jwĩ túi chãjat jíib nihcan, jwiít dih ãt túi ɛbɛp taga. Pánihna, “Wã túi chãjat jíib weemdíh ãt túi ɛbɛp taga”, ded ã jéih niijcán caá.



Romanos 10:9,10 Pániḥ bohéna, nin pah jwĩpĩ niij naóhna caá: Det Dios biícđih túi j̃míhna, “Jesús wã maáh caá”, niij naóhñit, “Dios caán w̃ñnijidih ãt jw̃ú̃b booanap jĩ”, ĩ niij jenah joyóchah, Dios queét iiguípna beñit déejidih ã túi ̃bbipna caá.

Jesúsđih jwĩ túi jenah joí jepahachah, Dios jwiítđih “Nit túinit caá”, ã niij enna caá. Pániḥna, “Jesús w̃ñniji jw̃ú̃b boo p̃đd j̃óhñi j̃mna, niḥat cãacwã ĩ maáh ã j̃mna caá”, bitadıh jwĩ niij naáwáchah, ã túi ̃bnit jwĩ j̃mna caá.



Juan 3:16,17 Dios nihat cãacwãdih búdí ã oina caá. Pániñ búdí oina, queétdih ã peéh chãjat déedih túi ãbat tútt niijná, weém ã wũúh biíc jũmnidih ã wah deyanap jĩ. Páant ã wahachah, det weemdih jepahnit iiguípna bejnit déeji Diosjeéh páantjeh ã túi jũmbipna caá.

Dios cãacwãdih yéejat peéh chãjat túttna, weém ã wũúhdih nin baácboó ã wah deyacap jĩ.

Obohjeéhtih, iiguípna ã bejat déedih queétdih wã túi ãbat pínah niijná, ã wah deyanap jĩ.



1 Juan 5:11-13 Nin pah Dios jwiít dih ã niij jéihyana caá: “Wã wũúhdih túi jenah joinít, páantjeh wãjeéh ñi j̄mbipna caá”, ã niijíp j̄.

Dios wũúh Jesúsdih ded túi jenah joiní, Diosjeéh páantjeh ã j̄mna caá. Obohjeéhtih, ded Jesúsdih jepahcanni, Diosjeéh ã j̄mcan niít.

Yeéb Dios wũúhdih túi jenah joinít dih naóh daácna caá wã chãjap, páantjeh Diosjeéh ñi j̄mat pínahdih ñi jéihyat pínah niijná.



Mateo 26-28; Lucas 22-24; Juan 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Cacua Bible (cbv) © 2004, 2008, Wycliffe Bible Translators,
Inc. All rights reserved.

<https://www.bible.com/en-GB/bible/777/MAT.1>

©2024 Bible for Children, Inc.

www.M1914.org

www.bibleforchildren.org

